

page :

M012

條目：

《思益梵天所問經》[之二]

內容：

等行，思益，文殊本生——在家學 **3.**(五一中一下) 神力持經

12、「是三世畢竟淨，無能令不淨，性常淨故，是以說一切諸法性常清淨。何謂諸法性淨？謂一切法空相，離有所得故。……畢竟離自性故，是名性常清淨。以是常淨相，知生死性即是涅槃，涅槃即是一切法性，是故說心性常清淨。……性常明淨，是故心得解脫。(三·五一中)

13、「若見我實性，即是實知見。……云何得我實性？答言：若得無我法。所以者何？我畢竟無根本、無決定故。若能如是知者，是名得我實性。……以見我故即是見佛。所以者何？我性即是佛性。文殊師利！誰能見佛？答言：「不壞我見者。所以者何？我見即是法見，以法見能見佛。」(三·四九中)

——**2.**「不見我者，則為見佛。」「其不見我，則為見法；其見法者，即為見佛。」顯了 (三·一八)

3.無我義小隱(四·八一下～八二上)

14、「煩惱中有菩提，菩提中有煩惱，是亦難信。所以者何？如來得是虛妄煩惱之性，亦無法不得」(一·三九下)

3.同。**2.**作「如是，覺了塵欲，則成佛道」(一·七中)

15、純菩薩淨土(二·四四上；四五上)(四·五六下)(四·六一中)

16、菩薩歷劫修行(三·四八下)

17、讚菩薩功德(一·三九下～四〇中)(四·五八下～五九上)

多為寶空經等所依

18、「出家」能增長善根(一·三五中)

「獨處遠離」善障煩惱(一·三五下)

禪度，猶如犀一角(三·五三中)

「是經所在住處，聚落、村邑、山林、曠野、塔寺、僧坊、經行之處」(四·五五上)

「法師若行道路、若失道時、若在聚落、若在空閑、若在僧房、若在宴室、若經行處、若在眾會。……應一心行，不調戲、不散亂；舉動進止悉令淨潔；不畜餘食，少欲知足；獨處遠離，不樂憤鬧，……常樂頭陀經行之法；……此諸法師（住如是法，）誦是呪術，即於現世得十種力。」「若善男子、善女人護念法者，能持如是等經讀誦、解說，我等四天王常往衛護。是人所住之處——若城邑聚落、若空閑靜處、若在家、若出家——我等及眷屬隨侍供給。」（四·六〇上～六〇下）

菩薩法師，不揀在家、出家仍為理想。

19、眾菩薩說「菩薩」義（三·四八中～四九上）——32

20、菩薩中，有觀世音、大勢至、寶女、寶月童子、那羅延、導師、不可思議等菩薩。

21、末——十一藏，晉譯為十藏。

出處：

12、「**是三世畢竟淨，無能令不淨，性常淨故，是以說一切諸法性常清淨。何謂諸法性淨？謂一切法空相，離有所得故。……畢竟離自性故，是名性常清淨。以是常淨相，知生死性即是涅槃，涅槃即是一切法性，是故說心性常清淨。……性常明淨，是故心得解脫。**」（三·五一中）

※參見《思益梵天所問經》卷3〈論寂品8〉(CBETA, T15, no. 586, p. 51, b5-28)：

「善男子！爾時上方醫王佛土有二菩薩：一名無盡意，二名益意，來詣普光佛所。頭面禮足，右繞三匝，恭敬合掌，却住一面。時普光佛為二菩薩廣說淨明三昧：『所以名曰淨明三昧者，若菩薩入是三昧，即得解脫一切諸相及煩惱著，亦於一切佛法得淨光明，是故名為淨明三昧。又前際一切法淨、後際一切法淨、現在一切法淨，**是三世畢竟淨，無能令不淨，性常淨故，是以說一切諸法性常清淨。何謂諸法性淨？謂一切法空相，離有所得故；一切法無相相，離憶想分別故；一切法無作相，不取不捨、無求無願，畢竟離自性故，是名性常清淨。以是常淨相，知生死性即是涅槃，涅槃性即是一切法性，是故說心性常清淨。**善男子！譬如虛空，若受垢污無有是處；心性亦如是，若有垢污無有是處。又如虛空，雖為烟塵、雲霧覆翳，不明不淨，而不能染污虛空之性；設染污者，不可復淨，以虛空實不染污故，還見清淨。凡夫心亦如是，雖邪憶念起諸煩惱，然其心相不可垢污；設垢污者，不可復淨，以心相實不垢污，**性常明淨。是故心得解脫。**善男子！是名入淨明三昧門。』彼二菩薩聞是三昧，於諸法中得不可思議法光明。」

13、「**若見我實性，即是實知見。……云何得我實性？答言：若得無我法。所以者何？我畢竟無根本、無決定故。若能如是知者，是名得我實性。……以見我故即是見佛。所以者何？我性即是佛性。文殊師利！誰能見佛？答言：「不壞我見者。所以者何？我見即是法見，以法見能見佛。」**」（三·四九中）

※參見《思益梵天所問經》卷3〈論寂品8〉(CBETA, T15, no. 586, p. 49, b19-27)：

答言：「然！若見我實性，即是實知見。譬如國王典金藏人，因已出用，知餘在者。如是，因知我實性，故得實知見。」

又問：「云何得我實性？」

答言：「若得無我法。所以者何？我畢竟無根本、無決定故。若能如是知者，是名得我實性。」

又問：「如我解文殊師利所說義，以見我故即是見佛。所以者何？我性即是佛性。文殊師利！誰能見佛？」

答言：「不壞我見者。所以者何？我見即是法見，以法見能見佛。」

——2.「不見我者，則為見佛。」「其不見我，則為見法；其見法者，即為見佛。」顯了（三·一八）

※參見《持心梵天所問經》卷3〈論寂品8〉(CBETA, T15, no. 585, p. 18, c3-7)：

又問：「如今所說吾觀其誼，不見我者則為見佛。所以者何？吾我自然佛亦自然。溥首！如來所見何等？」答曰：「離吾我見。所以者何？其不見我則為見法，其見法者即為見佛。」

3.無我義小隱（四·八一下～八二上）

※參見《勝思惟梵天所問經》卷4(CBETA, T15, no. 587, p. 81, c25-p. 82, a7)：

曰：「若見我見非智見耶？」

答言：「善男子！如是，如是。善男子！若見我見彼非智見。善男子！如人如實善知金性，則知柔軟不柔軟者。如是見我能清淨智。」

曰：「為說何者是我見耶？」

答言：「善男子！所謂無我法體常也。善男子！我常無體本來不成，以彼如是畢竟決定，故說名我。」

曰：「如我解文殊師利所說法義，若見我者即是見佛。何以故？我體佛體無分別故。」

文殊師利：「何等人能見如來耶？」

答言：「善男子！若能不改我見相者。何以故？我見法見佛見平等。」

14、「煩惱中有菩提，菩提中有煩惱，是亦難信。所以者何？如來得是虛妄煩惱之性，亦無法不得」（一·三九下）

※參見《思益梵天所問經》卷1〈解諸法品4〉(CBETA, T15, no. 586, p. 39, b16-c3)：

梵天言：「不也。世尊！諸佛、如來甚為希有，成就未曾有法，深入大慈大悲，得如是寂滅相法，而以文字言說教人令得。世尊！其有聞是能信解者，當知是不從小功德來。世尊！是法一切世間之所難信。所以者何？世間貪著實，而是法無實、無虛妄；世間貪著法，而是法無法、無非法；世間貪著涅槃，而是法無生死、無涅槃；世間貪著善法，而是法無善、無非善；世間貪著樂，而是法無苦、無樂；世間貪著佛出世，而是法無佛出世亦無涅槃；雖有說法，而是法非可說相；雖讚說僧，而僧即是無為。是故此法一切世間之所難信。譬如水中出火、火中出水，難可得信；如是**煩惱中有菩提，菩提中有煩惱，是亦難信。所以者何？如來得是虛妄煩惱之性，而無法不得**，有所說法亦無有形，雖有所知亦無分別，雖證涅槃亦無滅者。」

3.同。2.作「如是，覺了塵欲，則成佛道」（一·七中）

※參見《持心梵天所問經》卷1〈解諸法品4〉(CBETA, T15, no. 585, p. 7, b28-c3)：

佛言：「**如是，覺了塵欲則成佛道**所由因緣。所以者何？如來所因覺了塵勞，成正覺者無逮正覺，既有所說而不見色，亦無所念，亦不造二，亦無所證，不得滅度，亦無寂然。」

15、純菩薩淨土（二·四四上；四五上）（四·五六下）（四·六一中）

※參見《思益梵天所問經》卷2〈難問品5〉(CBETA, T15, no. 586, p. 44, a11-14)：

佛言：「迦葉！是網明菩薩成佛時，其會大眾同一金色，咸共信樂一切智慧。其佛國土乃至無聲聞、辟支佛名，**唯有清淨諸菩薩摩訶薩會。**」

16、菩薩歷劫修行（三·四八下）

※參見《思益梵天所問經》卷3〈談論品7〉(CBETA, T15, no. 586, p. 48, c4-9)：

無疲倦菩薩言：「若恒河沙等劫為一日一夜，以是三十日為一月，十二月為歲；以是歲數，若過百千萬億劫得值一佛；如是於恒河沙等佛所，行諸梵行修集功德，然後受阿耨多羅三藐三菩提記，心不休息無有疲倦，是名菩薩。」

17、讚菩薩功德（一·三九下～四〇中）（四·五八下～五九上）

多為寶空經等所依

※參見《思益梵天所問經》卷1〈解諸法品4〉(CBETA, T15, no. 586, p. 40, b13-19)：

「若人信解如是法義，不驚疑怖畏者，得如是功德——是人於諸佛阿耨多羅三藐三菩提甚深難解、難知、難信、難入，而能信受、讀誦、通利、奉持，為人廣說，如說修行，亦教他人如說修行。如是之人，我以一劫若減一劫，說其功德猶不能盡。」

18、「出家」能增長善根（一·三五中）

※參見《思益梵天所問經》卷1〈四法品2〉(CBETA, T15, no. 586, p. 35, b25-27)：

「梵天！菩薩有四法**增長善根**。何等為四？一者，持戒；二者，多聞；三者，布施；四者，**出家**。是為四。」

「獨處遠離」善障煩惱（一・三五下）

※參見《思益梵天所問經》卷1〈四法品2〉(CBETA, T15, no. 586, p. 35, c27-29)：

「梵天！菩薩有四法，**善障煩惱**。何等四？一者，正憶念；二者，障諸根；三者，得善法力；四者，**獨處遠離**。是為四。」

禪度，猶如犀一角（三・五三中）

《思益梵天所問經》卷3〈志大乘品10〉(CBETA, T15, no. 586, p. 53, b25-c12)：

「是等行遠離，了達無諍定，獨處無憤鬧，常畏於生死。

樂住於閑居，**猶如犀一角**，遊戲諸禪定，明達諸神通。

心常住平等，處空閑聚落，威儀無變異，恒樂於禪定。

信解常定法，及寂滅無漏，其心得解脫，故說常定者。

自住平等法，以此導眾生，不違平等行，故說常定者。

志念常堅固，不忘菩提心，亦能化眾生，故說常定者。

常念於諸佛，真實法性身，遠離色身相，故說常定者。

常修念於法，如諸法實相，亦無有憶念，故說常定者。」

「是經所在住處，聚落、村邑、山林、曠野、塔寺、僧坊、經行之處」（四・五五上）

※參見《思益梵天所問經》卷4〈稱歎品12〉(CBETA, T15, no. 586, p. 55, a10-26)

爾時釋、梵、四天王俱在會中，即以天花散於佛上而作是言：「世尊！若善男子、善女人聞文殊師利說是法，有信解者，當知是人能破魔怨。所以者何？文殊師利今所說法，能破一切邪見妄想。世尊！若善男子、善女人聞是法不驚不怖，當知是不從小功德來。若是經所在之處，當知此處則為諸佛擁護受用。若聞是經處，當知此處轉於法輪。**是經在所住處——聚落、村邑、山林、曠野、塔寺、僧坊、經行之處——**諸魔、外道、貪著之人不能侵燒。世尊！若人多供養過去諸佛，乃能得聞如是經典。世尊！我等於此經中得智慧光明，而不能得報佛及文殊師利、思益梵天之恩。世尊！我等所從聞經，於是法師生世尊想；我等常當隨侍說是經者，此善男子常為諸天之所擁護。若人書寫是經，讀誦、解說時，無量諸天為聽法故來至其所。」

「法師若行道路、若失道時、若在聚落、若在空閑、若在僧房、若在宴室、若經行處、若在眾會。……應一心行，不調戲、不散亂；舉動進止悉令淨潔；不畜餘食，少

欲知足；獨處遠離，不樂憒鬧，……常樂頭陀經行之法；……此諸法師（住如是法，）誦是呪術，即於現世得十種力。」「若善男子、善女人護念法者，能持如是等經讀誦、解說，我等四天王常往衛護。是人所住之處——若城邑聚落、若空閑靜處、若在家、若出家——我等及眷屬隨侍供給。」（四·六〇上～六〇下）

菩薩法師，不揀在家、出家仍為理想。

※參見《思益梵天所問經》卷4〈諸天歎品17〉(CBETA, T15, no. 586, p. 60, a23-b4)：

爾時佛告文殊師利：「如是，如是！汝今善聽！欲令此經久住故，當為汝說召諸天、龍、夜叉、乾闥婆、鳩槃荼等呪術。若法師誦持此呪，則能致諸天、龍、夜叉、乾闥婆、阿修羅、迦樓羅、緊那羅、摩睺羅伽等，常隨護之。是**法師若行道路、若失道時、若在聚落、若在空閑、若在僧房、若在宴室、若經行處、若在眾會**，是諸神等常當隨侍衛護，益其樂說辯才。又復為作堅固憶念慧力因緣，無有怨賊得其便者，使是法師行、立、坐、臥一心安詳。文殊師利！何等為呪術章句？」

※參見《思益梵天所問經》卷4〈諸天歎品17〉(CBETA, T15, no. 586, p. 60, b20-c1)：

「文殊師利！是為呪術章句。若菩薩摩訶薩欲行此經者，當誦持是呪術章句。**應一心行，不調戲、不散亂；舉動進止悉令淨潔；不畜餘食，少欲知足；獨處遠離，不樂憒鬧**，身心遠離；常樂慈悲，以法喜樂；安住實語，不欺誑人；貴於坐禪，樂欲說法；行於正念，常離邪念；**常樂頭陀細行之法**；於得、不得無有憂喜；趣向涅槃，畏厭生死；等心憎愛、離別異相；不恡身命及一切物，無有貪惜；威儀成就，常樂持戒；忍辱調柔，惡言能忍；顏色和悅，無惡姿容；先意問訊，除去憍慢，同心歡樂。」

※參見《思益梵天所問經》卷4〈諸天歎品17〉(CBETA, T15, no. 586, p. 60, c1-9)：

「文殊師利！**此諸法師住如是法，誦是呪術，即於現世得十種力**。何等為十？得念力，不忘失故；得慧力，善擇法故；得行力，隨經意故；得堅固力，行生死故；得慚愧力，護彼我故；得多聞力，具足慧故；得陀羅尼力，一切聞能持故；得樂說辯力，諸佛護念故；得深法力，具五通故；得無生忍力，速得具足薩婆若故。文殊師利！若法師能住是行、誦持呪術，現世得是十力。」

※參見《思益梵天所問經》卷4〈諸天歎品17〉(CBETA, T15, no. 586, p. 60, c9-20)：

「佛說是呪術力時，四天王驚怖毛豎，與無量鬼神眷屬圍遶，前詣佛所，頭面禮足，白佛言：「世尊！我是四天王，得須陀洹道，順佛教者。我等各當率諸親屬、營從人民，衛護法師。**若善男子、善女人護念法者，能持如是等經讀誦、解說，我等四天王常往衛護。是人所在之處——若城邑聚落、若空閑靜處、若在家、若出家——我等及眷屬常當隨侍供給**，令心安隱，無有厭倦，亦使一切無能燒者。世尊！又是經所在之處面五十里，若天、天子、若龍、龍子、若夜叉、夜叉子、若鳩槃荼、鳩槃荼子等，不能得便。」

※參見《思益梵天所問經》卷3〈談論品 7〉(CBETA, T15, no. 586, p. 48, b13-p. 49, a26)：

爾時等行菩薩白佛言：「世尊！所言菩薩，菩薩者為何謂耶？」

佛言：「善男子！若菩薩於邪定眾生發大悲心，於正定眾生不見殊異，故言菩薩。所以者何？菩薩不為正定眾生、不為不定眾生故發心，但為度邪定眾生故而起大悲，發阿耨多羅三藐三菩提心，故言菩薩。」

(爾時等行菩薩白佛言下，丹為名字義品第十三)爾時菩提菩薩白佛言：「世尊！我等亦樂說所以為菩薩。」

佛言：「便說！」

菩提菩薩言：「譬如男子、女人受一日戒，無毀無缺；若菩薩如是從初發心乃至成佛，於其中間常修淨行，**是名菩薩**。」

堅意菩薩言：「若菩薩成就深固慈心，**是名菩薩**。」

度眾生菩薩言：「譬如橋船，渡人不倦，無有分別，若心如是，**是名菩薩**。」

斷惡道菩薩言：「若菩薩於諸佛國投足之處，即時一切惡道皆滅，**是名菩薩**。」

觀世音菩薩言：「若菩薩眾生見者，即時畢定於阿耨多羅三藐三菩提；又稱其名者，得免眾苦，**是名菩薩**。」

得大勢菩薩言：「若菩薩所投足處，震動三千大千世界及魔宮殿，**是名菩薩**。」

無疲倦菩薩言：「若恒河沙等劫為一日一夜，以是三十日為一月，十二月為歲；以是歲數，若過百千萬億劫得值一佛；如是於恒河沙等佛所，行諸梵行修集功德，然後受阿耨多羅三藐三菩提記，心不休息無有疲倦，**是名菩薩**。」

導師菩薩言：「若菩薩於墮邪道眾生生大悲心，令人正道不求恩報，**是名菩薩**。」

須彌山菩薩言：「若菩薩於一切法無所分別，如須彌山一於眾色，**是名菩薩**。」

那羅延菩薩言：「若菩薩不為一切煩惱所壞，**是名菩薩**。」

心力菩薩言：「若菩薩以心思惟一切諸法無有錯謬，**是名菩薩**。」

師子遊步自在菩薩言：「若菩薩於諸論中，不怖不畏得深法忍，能使一切外道怖畏，**是名菩薩**。」

不可思議菩薩言：「若菩薩知心相不可思議，無所思惟分別，**是名菩薩**。」

善寂天子言：「若菩薩能於一切天宮中生而無所染，亦不得是無染之法，**是名菩薩**。」

實語菩薩言：「若菩薩有所發言常以真實，乃至夢中亦無妄語，**是名菩薩。**」

喜見菩薩言：「若菩薩能見一切色皆是佛色，**是名菩薩。**」

常慘菩薩言：「若菩薩見墮生死眾生，其心不樂世間諸樂，欲自度己身亦度眾生，**是名菩薩。**」

心無礙菩薩言：「若菩薩於一切煩惱眾魔而不瞋礙，**是名菩薩。**」

常喜根菩薩言：「若菩薩常以善根自滿其願亦滿他願，所作皆辦，**是名菩薩。**」

散疑女菩薩言：「若菩薩於一切法中不生疑悔，**是名菩薩。**」

師子童女菩薩言：「若菩薩無男法、無女法而現種種色身，為成就眾生故，**是名菩薩。**」

寶女菩薩言：「若菩薩於諸寶中不生愛樂，但樂三寶，**是名菩薩。**」

毘舍佉達多優婆夷言：「若菩薩有所得者則無菩提，若不得一切法、不生一切法、不滅一切法，**是名菩薩。**」

跋陀婆羅居士言：「若菩薩眾生聞其名者，畢定於阿耨多羅三藐三菩提，**是名菩薩。**」

寶月童子言：「若菩薩常修童子梵行，乃至不以心念五欲，何況身受！**是名菩薩。**」

忉利天子曼陀羅花香菩薩言：「若菩薩持戒熏心，常流諸善法香，不流餘香，**是名菩薩。**」

作喜菩薩言：「若菩薩喜樂三法，調供養佛、演說法、教化眾生，**是名菩薩。**」

思益梵天言：「若菩薩所見之法皆是佛法，**是名菩薩。**」

彌勒菩薩言：「若菩薩眾生見者，即得慈心三昧，**是名菩薩。**」

文殊師利法王子言：「若菩薩雖說諸法而不起法相、不起非法相，**是名菩薩。**」

網明菩薩言：「若菩薩光明能滅一切眾生煩惱，**是名菩薩。**」

普花菩薩言：「若菩薩見諸如來滿十方世界，如林花敷，**是名菩薩。**」如是諸菩薩各各隨所樂說已。

爾時佛告等行菩薩：「若菩薩能代一切眾生受諸苦惱，亦復能捨一切福事與諸眾生，**是名菩薩。**」

20、菩薩中，有觀世音、大勢至、寶女、寶月童子、那羅延、導師、不可思議等菩薩。

21、末——十一藏，晉譯為十藏。

※參見《思益梵天所問經》卷 4〈囑累品 18〉(CBETA, T15, no. 586, p. 62, a2-11)：

佛告阿難：「隨是經所有文字、章句之數，盡壽以一切樂具供養爾所諸佛及僧；若人乃至供養是經卷，恭敬、尊重、讚歎，其福為勝。是人現世得十一功德之藏。何等為十一？見佛藏，得天眼故；聽法藏，得天耳故；見僧藏，得不退轉菩薩僧故；無盡財藏，得寶手故；色身藏，具三十二相故；眷屬藏，得不可壞眷屬故；所未聞法藏，得陀羅尼故；憶念藏，得樂說辯故；無所畏藏，破壞一切外道論故；福德藏，利益眾生故；智慧藏，得一切佛法故。」

※參見《持心梵天所問經》卷 4〈囑累品 18〉(CBETA, T15, no. 585, p. 32, c16-26)：

世尊告曰：「假使以七寶普用週遍滿於虛空中以布施者，當知其有案如文句說此經典，則為供養如來、至真及與聖眾一切施安。若復有人受此經典，書著竹帛執持供養，其人現在獲得十藏。何謂為十？見佛之藏速得天眼、聞法之藏獲致天耳、聖眾之藏得不退轉、菩薩賢聖無盡寶藏速致寶掌、像色之藏則得具相、眷屬之藏營從不散、無間寶藏速得總持、志念之藏速得辯才、無畏之藏攝諸異學、功德之藏眾生稟仰、聖慧之藏普獲一切諸佛之法。」

※參見《勝思惟梵天所問經》卷 6(CBETA, T15, no. 587, p. 96, b1-13)：

佛言：「阿難！隨是法門所有文字章句之數，若人盡壽以一切種勝妙樂具，供養爾許諸佛及僧；若復有人乃至供養是法門恭敬尊重，而讚歎之，其福為勝，是人現得十一功德之藏。何等為十一？一見佛藏，得天眼故；二聽法藏，得天耳故；三見僧藏，得不退轉菩薩僧故；四無盡財藏，以得寶手故；五色身藏，以得具足三十二相故；六眷屬藏，得不可壞諸眷屬故；七聞所未聞諸法之藏，以得諸持陀羅尼故；八憶念藏，以得樂說無礙辯故；九無畏藏，破壞一切外道論故；十福德藏，利益一切諸眾生故；十一智慧藏，以得一切諸佛法故。」